



Broj: 03-05-2844/19
Lukavac, 23.04.2019.godine

Na osnovu člana 64. stav (1), tačka b), člana 25. i člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 02-05-1129/18 od 04.06.2018.godine u otvorenom postupku javne nabavke usluga za vršenje revizije projektovanja objekata: lokalni putevi, vodosnabdijevanje, ulična rasvjeta, toplifikaciona mreža i ostali građevinski objekti u trajanju od 1 (jedne) godine, a shodno članu 1. Rješenja o prenosu ovlaštenja na državnog službenika broj: 02-05-1056/19 od 29.01.2019.godine, pomoćnik Općinskog načelnika Službe za investicije, komunalno-stambene i poslove mjesnih zajednica, d o n o s i

ODLUKU o izboru najpovoljnijeg ponuđača

Član 1.

Prihvata se preporuka Komisije za provođenje otvorenog postupka javne nabavke broj: 03-05-2844/19 od 19.04.2019.godine i Ugovor za nabavku usluga za vršenje revizije projektovanja objekata: lokalni putevi, vodosnabdijevanje, ulična rasvjeta, toplifikaciona mreža i ostali građevinski objekti u trajanju od 1 (jedne) godine, dodjeljuje se ponuđaču **Javno preduzeće za prostorno planiranje i uređenje grada „Zenica“ doo Zenica**, a prema ponudi broj: 03-1-4551/19 od 15.04.2019.godine, dostavljenoj dana 17.04.2019.godine, za ponudenu cijenu u vrijednosti od 16.000,00 KM bez PDV-a, kao najpovoljnijem ponuđaču.

Član 2.

Izabrani ponuđač dužan je nakon prijema Odluke o izboru dostaviti u roku od 7 (sedam) dana originale ili ovjerene kopije dokaza o ispunjavanju uslova iz člana 45. stav (2) tačka a) do d) Zakona o javnim nabavkama BiH, navedene u tački 12.2., kao i orginale ili ovjerene kopije dokaza navedenih u tački 13.2.2. a) Tenderske dokumentacije broj: 03-05-2844/19. Ukoliko izabrani ponuđač ne dostavi traženu dokumentaciju u određenom roku ili je ne dostavi na propisan način, postupak javne nabavke će biti poništen.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana prijema obavještenja o izboru najpovoljnije ponude.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-02-1-2843/19 od 27.03.2019.godine. Javna nabavka sprovedena je otvorenim postupkom nabavke.

Strana 1 od 2



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015 No.
308550 QM15

Procijenjena vrijednost javne nabavke bez PDV-a je 25.000,00 KM.

Obavještenje o nabavci broj: 719-1-2-26-3-41/19 objavljeno je na Portalu javnih nabavki dana 28.03.2019.godine.

Komisija za provođenje postupka nabavke imenovana Rješenjem broj: 03-05-3453/19 od 10.04.2019.godine dostavila je ugovornom organu-Pomoćniku Općinskog načelnika Zapisnik o pregledu i ocjeni ponuda broj: 03-05-2844/19 od 18.04.2019.godine, Preporuku o izboru najpovoljnijeg ponuđača broj: 03-05-2844/19 od 19.04.2019.godine i Izvještaj o radu broj: 03-05-2844/19 od 22.04.2019.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude;
- da su blagovremeno primljene dvije ponude;
- da nije bilo neblagovremeno primljenih ponuda;
- da ponuda ponuđača „GEOPUT“ doo Banja Luka nije kvalifikovana.

Naime, ponuđač „GEOPUT“ doo Banja Luka, nije dostavio potvrde o radnom iskustvu za zaposleno osoblje, kako je traženo tačkom 13.3.2.a) Tenderske dokumentacije.

Takođe, iz priloženog „Izvještaja o broju zaposlenih radnika kod poslodavca“ Poreske uprave RS ne može se sa sigurnošću utvrditi da zaposleno osoblje ima 5 (pet) i više godina radnog iskustva u struci, obzirom da prijave osiguranja za zaposlene koji su navedeni u Izjavi teku od 2015., odnosno 2016.godine.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 25.000,00 KM i da je kriterij za dodijelu ugovora ekonomski najpovoljnija ponuda, sa podkriterijima: cijena i rok plaćanja.

Ponuđač Javno preduzeće za prostorno planiranje i uređenje grada „Zenica“ doo Zenica dostavio je prihvatljivu ponudu u iznosu od 16.000,00 KM bez PDV-a, sa rokom plaćanja od 60 dana, te je primjenjujući kriterij ekonomski najpovoljnije ponude, sa podkriterijima: cijena i rok plaćanja, osvojio ukupno 100 bodova.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Sekretar komisije:
Fahrudin Hasanhodžić

Po Ovlaštenju Općinskog načelnika
POMOĆNIK NAČELNIKA
Mirela Bubić, dipl. pravnik



Dostaviti:

1. Javno preduzeće za prostorno planiranje i uređenje grada „Zenica“ doo Zenica
2. „GEOPUT“ doo Banja Luka
3. Evidenciji
4. Arhivi.-